



UNIVERSITÄTS-
BIBLIOTHEK
PADERBORN

Analysis Methodica Ivris Pontificii

Venator, Daniel

[S.l.], 1579

VD16 V 541

De Religiosis Domibus, vt Episcopo sint subiectæ. Titulus XXXVI.

[urn:nbn:de:hbz:466:1-63204](https://nbn-resolving.org/urn:nbn:de:hbz:466:1-63204)

visitationis se gerere, quæ summo studio expedire, & à quibus abstinere teneantur? Habetur in c. singulis, & c. fi. extr. eod. & tradit Pauin. tract. de visitat. q. 2. prima parte, & c.

Quis Finis & Effectus?

Vt correctione clericorum facta, Ecclesia ipsa in melius reformetur, d. c. Romana. Secundò, vt à tali correctione nulla concedatur appellatio, c. ad nostrã, extr. de appel. & c. relatũ, ext. ne cler. vel monach. & c. Nisi corrigedi modus excederet, c. quia peccat, 23. q. 4. Nam, vt dicitur in c. beatus, 45. dist. nimix asperitatis interpretatio neque correctionem, neq; salutem recipit, & c. Tertiò, perceptio procurationis, à cuius præstatione immunem nullam esse ecclesiam, vel monasterium, etiam præscriptionis prætextu, esse debet, c. cum ex, extr. de præscrip. debetq; ipsa procuratio præstari in victualibus, non autem pecunia, c. pecunia, §. procurationis, de censib. in 6. de qua titul. de cens. exact. & procurat. infra latius.

DE RELIGIOSIS DOMIBUS, vt Episcopo sint subiectæ.

Titulus XXXVI.

Continuatio.

Visitatio per Ordinariũ, sub cuius iurisdictione religiosa domus sitæ sunt, fieri contingit: scire nunc operæpretium est, cuius iurisdictioni religiosa domus subiectæ sint?

L 2 4

Quæ

Quæ dicitur religiosa domus?

Religiosa domus est, quæ ad pium usum constructa est: ut est Xenodochium: locus, ubi peregrini pauperes recipiuntur. Orphanotrophium, ubi orphani, hoc est parentibus orbat, nutriuntur, Bethotrophium, ubi infantes pauperum, & expositi aluntur. Nosochomium, in quo agroti paupertate simul laborantes curantur à morbo. Gerontochomium, ubi senio cōfecti & valendarij sustentantur, c. in qualibet, 23. q. 8. & l. omnia, C. de Episco. & cle.

Cuius iurisdictioni religiosa Domus subiecta sint?

Generaliter in Aurelianensi Concilio statutum est, omnes basilicas, quæ per diuersa loca constructæ vel quotidie construuntur, in Episcopi potestate consistere, in cuius territorio sitæ sunt, c. omnes, 16. quæst. 7. nisi singulari privilegio, se exemptas, docere possint, c. cum venerabilis, extr. eod. Quo tamen privilegio capellæ subiectæ non gaudent: sicuti etiam quibuscunque rei, vel ratione loci, privilegium exemptionis concessum est, eodẽ privilegio pro alia re, aliove loco non potentur, c. cum capella, extr. de privileg.

Quis huius subiectionis Effectus?

Cum religiosa domus, quod ad duas leges subijciatur, scilicet diœcesanam, & iurisdictionalem, dubium non est, quin Episcopus ea, quæ sunt legis diœcesanæ, iuris episcopalis, vel iurisdictionis contentiosæ, in ea hominibusq; illi de

putatis exercere possit, c. monasteria, 18. q. 2. & Hostiens. hoc tit.

DE CAPELLIS MONACH. & aliorum Religiosorum.

Titulus XXXVII.

Pari ratione capellæ monachorum Episcopo, in cuius territorio sunt sitæ, subijciuntur: ita, ut nulla consuetudine obstante, de ipsis Episcopus pro arbitrio statuere possit: nisi huius iurisdictioni speciali priuilegio, vel legitima præscriptione probentur exemptæ, c. cum venerabilis, & c. seq. c. constitutus, extr. de relig. dom. & c. auditis, extr. de præscrip.

DE IVRE PATRONATVS.

Titulus XXXVIII.

Continuatio.

Institutio regulariter non fit, nisi ad præsentationem patroni, cui competit ius patronatus in beneficio quod alicui, per institutionem, conferendum est.

Quid est Ius Patronatus?

Ius patronatus est, potestas præsentandi instituendum ad beneficium Ecclesiasticum, simplex & vacans, Hostiens. in §. quid sit, hoc tit.

Quot modis accipitur Ius Patronatus?

Varijs modis. Primò: pro iure præsentandi instituendum. Altero: pro iure, quod ac-